



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Fasti Mariani**

**Brunner, Andreas  
Pfeffer, Wilhelm**

**Antverpiæ, [1659 erschienen] 1660**

S. Lvpvs Episcop. 29. Iulij.

**urn:nbn:de:hbz:466:1-42032**

ipse in exilium est pulsus. Rediit tamen postlimi-  
nō in regnum. Verū, quōd secum reducere etiam  
justitiam laboraret, concitavit in se Danorum ar-  
ma. Contra hos dum movet, videt in somnis sca-  
lam ad cælos pertingentem, dumque illuc con-  
titur, ecce à legato expergefactus conqueritur ni-  
mirum cælo se detractum. Sed eodem mox subit,  
cū proditus à suis in pugna cecidit. Nostri tamen  
avi principibus scalam, hoc est, vitæ exemplum re-  
liquit. *Ex vit. Aquil.*

*Dum vocat & licet, virtutes amplectere: in oculis  
tuis versetur pudor, in auribus veritas, verba vitæ  
in linguâ tuâ, imago Dei in corde tuo, in membris  
omnibus continentia, ut ab Angelis & hominibus  
callauderis. S. Ephrem de Exercitatione.*

## S. LVPVS EPISCOP. 29. Iulij.

**L**VPVM dixi. Tu, si vitam leges, ovem, scio, di-  
ces, ita placidis moribus hic LVPVS erat. In  
conjugio annos egit septem omnino. Dehinc inter  
Cœnobitas cœpit vivere, & conjux in virginum  
collegio, gratissimo Superis divortio. Verū Tre-  
centis ex cœnobio extraxerunt, & quamvis invitū  
LVPVM pastorem sibi legerunt, felicissimo eventu.  
Alter enim lupus sed longè crudelissimus gregi im-  
minebat Attila, ille orbis prædo ebrius semper, sed  
nunquam satur humano sanguine. Et jã infesta signa  
urbi inferebat, cū obvius irato cum suis sit Ponti-  
fex, rogatq; quem deniq; sese esse putaret Rex, qui  
mundum sic omnē fulminis instar pervaderet? Attila  
nihil humile spirans, *flagellum DEI* se esse respon-  
det. Hic enim verò. Antistes portas pandi omnes  
civitatis jubet & modestissimis verbis avere mul-  
tum jubet *DEI flagellum*. Quid expectas verba hec  
fero-

ferocissimum & ultima minitantes animum demulserunt, & LYPVS tyrannum cicuravit. Ceterum huic verborum modestiæ victus quoque ratio & vestitus responderunt. Et cibum quidem tertio primùm die sumpsit, Sabbato cibario pane contentus. Vestem quoque unieam gestavit, sed subditiâ alterâ (cilicio) superbam. *Ex Surio & Nauclero.*

*Ad Deum tuum refer flagellum tuum: quia nec Diabolus tibi aliquid faciet, nisi ille permittat, qui desuper habet potestatem, aut ad pœnam, aut ad disciplinam. Ad pœnam impijs, ad disciplinam filijs. Flagellat enim omnem filium quem recipit. S. Aug. in Ps. 31.*

SS. ABDON & SENNEN MM.

30. Iulij.

CENSEBANTUR ABDON & SENNEN inter primos Persiæ purpuratos. Et verò nisi cunæ in patriâ, mors Romæ purpuram donasset. Nam quòd Christiano principe non indignum officium arbitrentur, Martyrum esse vespillones, suisque manibus terræ mandare horum corpora gauderent, victos Decius Romam adduxit. Ibi ad tyranni tribunal steterunt auro gemmi sique splendidi rei, sed extinguebant harum lucem catenæ ferreæ, quas nimium gloriosi jactabant. Itaque eum munera ingentia promitteret tyrannus, si ad Deos transirent, risere scilicet, & ad omnia tormenta provocarunt. Plumbatis igitur tentati, contra ferreos se præbuerunt. Inde in theatro feris obiecti, sed plausum meruere & victa Martyribus colla leones submisere, feræque cicure s hominem contra feros homines visæ defendere. Reperti interim qui necem inferrent gladiatores, Sed & Mar.